



東華錄

十五



|      |           |
|------|-----------|
| 內閣文庫 |           |
| 番號   | 漢 8881    |
| 冊數   | 32 ( 15 ) |
| 函號   | 286 97    |



東華錄卷之十五

康熙二十八年正月

上南巡閱河初八日丙子起行 壬午駐蹕平原縣 諭



山東撫錢鈺邇年以來各省地丁錢糧已經節次豁免山

東地丁正賦意欲來歲蠲除茲因巡幸至此特先諭該撫

速行曉示 甲申幸濟南府 乙酉至泰山之麓 庚寅

駐蹕郟城縣蒞花舖 辛卯閱視中河至支河口 諭諸

臣曰朕觀此河狹隘逼近黃河之岸且自徐州北鎮口聞



夏書金 卷十五  
所出黃水及微山湖荆山口之水俱歸內運河必流入中  
河駱馬湖之水亦入此河若遇潦霖萬一黃堤潰決中河  
黃河必將混而爲一因顧靳輔曰爾當日如何籌畫開濬  
中河輔曰臣意開濬此河可以束水入海今若將遙堤加  
增修築以保固黃河堤岸當不至有患總河王新命奏曰  
支河口止一閘但遇霖淹必至冲壞若不草掃隨時啟閉  
于駱馬湖口作減水壩令泛漲之水歸入黃河再將鄰城  
禹王台修築以禦流入駱馬之水令歸沐河則中河可無  
虞矣 丁酉御舟泊金山寺 二月初三日辛丑至蘇州

丁未至杭州 辛亥渡錢塘江 壬子親撰祭文詣禹  
陵致祭文內書御名行三跪九叩禮 先是上欲親視下  
河至是侍郎徐延璽于成龍閣視回奏水陸俱難行宿頓  
無所遂止 乙卯自杭州回鑾 癸亥至江寧 江南民  
王來熊獻鍊金養身秘書一冊  
上曰此等事朕素不信其擲還之 三月乙酉御舟至天  
津由陸還宮

上諭朕閱視河道民人船夫皆稱譽前任河督靳輔且見  
靳輔濬治河道隄岸堅固勞績昭然着復其原品 七月

初九日冊立皇貴妃佟氏爲皇后明日

皇后崩 九月以旱免直隸被災州縣衛所本年未征及

二十九年上半年錢糧 左都御史郭琇爲特叅近臣植

黨營私招搖撞騙罪有可誅仰請乾斷事如原任少詹事

高士奇左都御史王鴻緒等表裏爲奸罄竹難悉式約畧

一二爲

皇上陳之高士奇出身微賤其始也徒步來京覓館爲生

皇上因其字學頗工不拘資格擢補翰林令入南書房供

奉不過使之考訂文章原未假之與聞國政爲士奇者卽

當竭力奉公以報恩施于萬一計不出此而日思結納諂

附大臣攬事招搖以圖分肥凡內外大小臣工無不知有

士奇之名夫辨事南書房者先後豈止一人他人之聲名

從未著聞何士奇一入辨事而聲名赫奕乃至如此是其

罪之可誅者一也久之羽翼旣多遂自立門戶結王鴻緒

爲死黨科臣何楷爲義兄弟翰林陳元龍爲叔姪鴻緒胞

兄王頊齡爲子女姻親俱寄以心腹在外招攬凡督撫藩

臬道府廳縣以及在內之大小卿員皆王鴻緒何楷等爲

之居停哄騙而夤緣照管者餽至成于累萬卽不屬黨護

者亦有常例名曰平安錢然而人之肯爲賄賂者蓋士奇供奉日久勢焰日張人皆謂之曰門路真而士奇遂自忘乎其爲撞騙亦自居之不疑曰我之門路真是士奇之奸貪壞法全無顧忌其罪之可誅者二也光棍俞子易在京肆橫有年惟恐事發潛遁直隸天津山東洛口地方有虎坊橋瓦屋六十餘間價值八千金餽送士奇求托照拂此外順城門斜街並各處房屋總令心腹出名置買何楷代爲收租打磨場士奇之親家陳元師夥計陳季芳開張緞號寄頓各處賄銀資本約至四十餘萬又于本鄉平湖縣

置田產千頃大興土木修置花園杭州西溪廣置園宅蘇松淮揚王鴻緒等與之合夥生理又不下百餘萬竊思以覓館餬口之窮儒而今忽爲數百萬之富翁試問金從何來無非取給于各官然官從何來非侵國帑卽剝民膏夫以國帑民膏而填無厭之谿壑是士奇等真爲國之蠹而民之賊也其罪之可誅者三也

皇上聖明洞悉其罪止因各館史書編纂未完着解任竣事矜全之恩至矣極矣士奇乃不思解過自新仍怙惡不悛當

聖駕南巡時

上諭嚴誠餽送定以軍法治罪誰敢不遵惟士奇與王鴻緒愍不畏死卽淮揚等處王鴻緒招攬府廳各官約饋黃金潛遺士奇淮揚如此則他處又不知如何詐索矣是士奇等之欺君滅法背公行私其罪之可誅者四也更可駭者王鴻緒陳元龍鼎甲出身亦嚴然士林之翹楚竟不顧請議爲人作壘斷而不以爲恥且依媚大臣卽人之所不屑爲者亦甘心爲之而不以爲辱苟圖富貴敗傷名教豈不玷朝廷而羞當世士哉總之高士奇王鴻緒陳元龍何

楷王頊齡等豺狼其性蛇蝎其心鬼蜮其形畏勢者旣觀望而不敢言趨利者復擁戴而不肯言臣若不言負罪滋大故不避嫌怨仰請立賜罷譴明正典刑人心快甚天下幸甚得

旨高士奇王鴻緒何楷陳元龍王頊齡俱著休致回籍該部知道 命王安國以刑部左侍郎銜管奉天府府尹事  
陛辭

諭曰奉天爲根本重地今聞遊民甚多務農者少一遇旱淹卽難補救爾至任當勸民務農嚴察光棍游手之徒奉

東華錄 卷一五  
天田土旂民疆界相錯丈量明白以旂人餘地付之莊頭前府尹金鑑奏請將旂人餘地俱與百姓耕種征收錢糧所見甚小今已另遣官前往丈量雖係彼處戶部之事爾在地方亦須公同詳察永定則例 漕運總督徐旭齡疏請釐三害云隨漕例有增裁原為貼軍而設乃有司私增更甚于軍每石少以錢計多以數錢計南兵軍局恤伍項原無增裁今統歸太糧征收仍難扣減宜革者一隨漕例有潤耗原為貼兌而設乃有司私耗更浮于兌每石少以斗計多以數斗計白糧已編有辨束包令又另加春辨米

包索銀宜革者二至盤費腳價江浙官無額編民間私貼每石銀三五分米三五斗乃湖北已編有折銀三千九百餘兩每石復幫貼銀一二兩江西已編有腳費銀三萬四千五百餘兩每石復征水腳銀三錢五分宜革者三又請籌三便云各省給軍欸項有減存抵欠銷算者勢須糧道給放其隨漕增截銀兩亦彙解道庫一解一給旂丁反受扣減請停止彙解竟歸州縣給發便一運丁行月糧遇有災傷停缺例請撥補有康熙十二年間除荒銀兩至二十一年仍未准給旂丁不沾實惠請停止除荒竟入現運項

下得應覓之用便二至船少帮多為病尤甚浙江帮次有  
可合一帮者請附歸併可省二十餘帮便三俱下九卿議  
行 十月諭直撫于成龍直隸地方朕屢豁免錢糧百姓  
竟無起色今年荒旱比往年更甚朕在深宮俯念民生困  
苦衣食艱難宵旰焦勞時欲流涕業經遣官察賑復與蠲  
免正供地方大小各官遇此荒年束手無策于民何益爾  
等受國厚恩為民父母寧獨不愧于心當思良法使貧民  
不填溝壑以副朕軫念閭閻至意 副都御史許三禮疏  
劾原任刑部尚書徐乾學曰竊惟

聖主必需賢佐恧貪不外遠奸大小臣工幸逢

聖主應為賢臣乃有原任刑部尚書徐乾學者不顧品行  
律身不嚴致被罪臣張汧所供蒙

皇上寬仁不加譴責即宜引咎自退乞 命歸里又復優

柔繫戀潛住長安乘留修史為名出入禁廷與高士奇相  
為表裏物議沸騰即無官守落得招搖納賄其子試御史  
徐樹穀不遵成例朦朧與考明有所恃獨其弟徐秉義文  
行兼優實係當代偉人原任禮部尚書熊賜履理學醇儒  
可稱千古人品臣職居言路知而不言即為不忠俯採輿



東華錄 卷一五  
論直陳賢奸乞卽

召用熊賜履徐秉義以佐盛治徐乾學既無好行止自無好議論既無好事業焉有好文章應逐出史館以示遠奸徐樹穀尙書之子中堂之姪身為御史太覺招搖應調部屬以遵成例臣不避嫌怨披瀝直陳自所參事情著徐乾學明白回奏熊賜履原係簡任大臣朕所深知已經起用現在丁憂許三禮請卽召用殊屬不諳著飭行乾學回奏憲臣謂臣律身不嚴致罪臣張汧所供臣若果受張汧一錢臣甘寸磔祇以臣爲台長聞知汧狼籍屢向僚屬斥言

其罪汧知而恨臣遂肆誣讟業蒙

皇上洞鑒臣以性不諧俗遭人嫉忌具疏懇歸田里蒙恩准解部務仍領各館總裁臣早夜編摩每隔數日入直與高士奇等共訂書史校讐御選古文此外一無干涉臣在任之日尙且嚴絕苞苴豈解任以後反行招搖納賄憲臣忽云潛任忽云招搖皆臣所惶惑不解者臣子樹穀考選經吏部及臣弟元文奏明其時大臣子弟與考並不止臣子一人

皇上特恩簡用安得朦朧皆由臣平時好講忠孝大義言

東華錄 卷十五  
論時或激切易以招尤乞賜罷斥歸田並罷臣子言職以  
安愚分疏並下部察議以所劾招搖納賄皆無實據卽朦  
朧考選亦不確三禮應降二級調用議甫上三禮復疏爲  
特叅大臣紊亂國制肇豐開端謹據實題叅仰祈嚴勅窮  
究以杜專擅之漸以垂永久之制事竊惟

聖朝律例三品大臣子弟不許考選科道成例遵行已久  
無敢紊越獨原任刑部尙書徐乾學胆恃胞弟徐元文  
欽點入閣勢紊成例遣子赴考現在補職臣屬堂官具疏  
題明蒙

皇上着乾學明白回奏而乾學將自己潛任招搖穢跡欲  
以奉 旨留京一語蓋之徐樹穀違例考選指稱吏部題  
請閣臣奏明等語鉗制言官要見

皇上之留徐乾學者留于史館辦事豈留潛地招搖物議  
沸騰閣臣之奏明者不過奏避閱卷之嫌疑豈有題破歷  
來之定例今乾學不引咎悔過反執吏部閣臣之請雕琢  
字眼粉飾要旨欲坐臣以指叅不實之例而使樹穀仍居  
御史之職明欲肇豐開端紊亂國制專擅之漸不可不防  
更奇乾學律身不嚴教子無方穢跡昭著有案有據尙敢

肆口妄言好講忠孝大義希圖簧惑 聖聰不得不列欵  
糾叅懇乞窮究逐件刑訊並嚴飭吏部將題請徐樹穀與  
考之疏閣臣啟奏之疏檢發會議以服衆心所有賍欵次  
列于左 一乾學于丁卯鄉試戊辰會試在外招搖門生  
親戚有名文士各與關節務期中式有蘇州府貢生何焯  
往來乾學門下深悉其弊特仿會試墨卷序文寓言諷刺  
乾學聞知卽向書舖將序抽燬囑托江蘇巡撫訪拿何焯  
至今未結 一乾學發本銀十萬兩交塩商項景元于揚  
州貿易每月三分起利本年七月間着伊孫婿史姓家人

李湘押同景元于八月二十四日到京算賬共結算本利  
十六萬兩又布商程天石新領乾學本銀十萬兩在大蔣  
家胡同開張當舖其餘銀號錢桌發本放債違禁取利怨  
聲滿道 一乾學以門生李國亮爲江蘇按察司代爲料  
理國亮差到管家送銀一萬兩交乾學管家吳子彥吳子  
章收過節送銀四百兩小禮四十兩生日送銀一千兩吳  
子彥爲張汧事發逃回吳子彥胞弟子章收伊弟元文入  
閣辦事國亮差管家劉姓送賀禮五千兩交吳子章收繳  
一乾學認光棍徐紫賢徐紫書一人爲姪通同扯緯得

賍累萬紫賢紫書現造爛面胡同花園房屋書辦之子一朝富貴胡爲乎來乾學之賍半出其手 一乾學伊第拜相之後與親家高士奇更加招搖以致有去了余秦檜來了徐巖嵩乾學似龐涓是他大長兄之謠又有四方寶物歸東海萬國金珠送澹人之對京城三尺童子皆知若乾學果能嚴絕苞苴何以有如此醜語耶 一乾學遣弟徐宏基遍遊各省名爲抽豐獨于河南磁州彰德等處留戀一載有餘放賭宿妓良民受害怨聲載道 一乾學買憲臣傅感丁在京房屋一所價銀六千餘兩買學士孫在豐

在京房屋一所價銀五千五百兩買慕天顏無錫縣田一萬頃京城繩匠胡同半截胡同與橫街新造房屋甚多不能枚舉蘇州太倉崑山吳縣長洲常熟吳江等州縣俱係徐府房屋田地 一乾學之子徐樹屏徐樹聲于甲子科貢緣中式弊發黜革行止有虧莫此爲甚 以上各款百未盡 一乾學身受國恩乃敢植桃李于一門播腹心于九州橫行聚斂不顧枉直順之則生逆之則死勢傾中外權重當時朝綱可紊成例可滅伏乞 皇上立賜處分國家幸甚萬民幸甚徐元文奏辨曰三禮

東華錄 卷十五 二  
因叅臣兄乾學不實知吏部已議降調遂誣列臣兄多款  
并誣及臣謂曾收李國亮賀儀五千兩臣與國亮雖曾相  
識初無交涉三禮以不根之詞橫肆污蔑即使孤竹復生  
何難指爲盜跖

聖明在上必能洞察其誣國亮三禮皆可互質也臣初入  
閣時曾聞有人粘貼榜紙此乃忌嫉臣兄弟者布散流言  
以圖傾陷耳夫匿名榜貼律禁至重又屢奉嚴諭申飭地  
方官不行查拿有處分定例三禮既佐理憲綱聞知正宜  
痛嫉乃公然引入奏章指爲証據則三禮必深知造榜之

人與匿貼所由來矣總之臣兄弟直道自處不免招尤而  
不悅臣兄弟者遂欲一網盡之三禮向者考選之後曾請  
執弟子禮臣以于義不可始終拒之今于數日間忽而誣  
臣兄又忽而誣臣殊難測憶臣荷

恩深重一旦爲人排繫致無影之詞溷入聖聰跼躄惶恐  
無地自容伏祈

皇上立賜罷斥庶臣心稍安疏入得

旨許三禮旣爲言官凡有糾叅自應據實指陳前叅乾學  
疏內何以不一併指出乃于部覆議處之後復行列款具

奏明係圖免已罪著嚴飭行該部知道尋命免許三禮調用仍留任 御史張星法劾山東巡撫錢珏貪黷劣蹟珏奏辨所劾悉誣由郭琇會致書于珏屬荐卽墨令高上達等未允琇挾嫌使星法誣劾事下法司鞫訊未定讞琇奏左都御史馬齊于會訊時多方煇煉必欲坐以指使誣劾之罪

上責琇疑搆法司尋法司以星法誣珏擬革職琇致書屬荐事實應革職擬杖折贖奏上星法降二級留任上念琇平時鯁直敢言從寬免革職治罪降五級調用

十一月徐乾學疏言臣年六十精神衰耗祇以受恩深重依戀徘徊憲臣許三禮因議先賢先儒坐位其言皆不合經典臣與九卿奏對之時斥言其非本以公事相爭不謂觸其私怒捏造事欵逞忿劾臣幸

聖主洞燭幽隱欣荷再生但臣方寸靡寧不能復事鉛槧且恐因循居此更有無端彈射乞恩終始矜全俾得保其衰病之身歸身先臣邱隴庶身心閒暇願比古人書局自隨之義屏跡編摩少報萬一得 旨卿學問淹博總裁各館書史著有勤勞覽奏請歸省墓情詞懇切准假回籍書

籍著隨帶編輯並賜御書光燄萬丈扁額 十二月以旱  
災免武昌等府二十州縣四衛所二十九年上半年地丁  
錢糧荊州安陸所屬九州縣四衛所本年未經征收及二  
十九年上半年錢糧 理藩院題烏斯尼哈白塔住持喇  
嘛羅卜臧宜寧等稱伊師喇木占巴喇嘛復轉生于世祇  
請往聚

上曰蒙古之性深信詭言但聞喇嘛胡土克圖胡必爾汗  
不計真偽便極誠叩頭送牲畜等物以為可获福長生至  
欲蕩家產不顧而奸宄之徒得以行詐漫謂能知前生之

事惑衆欺人網取財帛牲畜敗壞佛教諸蒙古篤信喇嘛  
久已惑溺家家供養隱其言而行者甚衆應將此等詐稱  
胡土克圖者嚴行禁止 十二月定鄂羅斯邊界于格爾  
必齊河勒滿漢及鄂羅斯喇第納蒙古字于上

康熙二十九年四月大清會典告成 五月吏部以行取  
知縣事請旨 命九卿以平昔所知舉奏尋尙書王隲舉  
清苑知縣邵嗣堯尙書李天馥舉三河知縣彭鵬靈壽知  
縣陸隴其徐元文舉麻城知縣趙蒼璧准行取 五月兩  
江總督傅拉塔疏言凡為人臣宜感戴

上恩不負養育乃有不遵法度彼此施威朋比背恩以官職爲生理公然受賄擾害地方如巡撫洪之傑原任刑部尚書徐乾學大學士徐元文並伊等子姪穢跡謹册列陳之一康熙二十八年徐元文陞任大學士洪之傑諂媚製金字大匾一方旂桿二根旂上金鑄瑞叶金甌泰開玉燭八字委督糧同知姚應鳳賚至徐元文門前樹立復送賀儀一萬兩徐元文之子舉人徐樹本親收一康熙二十八年原任松江府知府趙寧投拜徐元文門下餽銀一千兩徐元文之姪徐樹屏徐樹敏親收一康熙二十八年松江

常三府採買青藍布解部以少價買多銷銀一萬四千餘兩洪之傑趙寧徐樹本等分肥一徐元文之子徐樹聲自京到巡撫衙門稱有要緊密信因開門稍遲喝打門吏洪之傑聽聞忙卽大開中門鳴鑼擊鼓作樂迎進衙役路人皆爲恥笑一洪之傑子康熙二十八年因重犯減等案內部議革職蒙

皇上寬宥降級留任而元文乾學冒恩以爲己力洪之傑將銀二萬兩令原任松江府知府趙寧送徐樹本收一康熙二十八年間門外居民欽涑欽鼎丞彼此爭訟徐樹敏



見欽鼎丞家裕囑託巡撫令欽涑欽宸樞捏告詐欽鼎丞銀一千兩交與伊家人徐孔昭李孔章兌收一徐樹聲兄弟前往蘇州府承天寺內馭琅山房惡僧等富厚詐銀一千兩囑巡撫止留馭琅山房之僧餘房僧盡皆驅逐後被逐之僧及衆百姓爲留惡僧反將好僧逐出公憤怨恨一徐樹本唆王緝植之母告同縣監生李端匏久不葬親詐得李端匏銀四百兩一康熙二十九年葑門外果子行陸雲椿韓雲若二人爲爭行業買賣徐樹本詭令伊親湯機先湯在治生理勒得陸雲椿銀二百四十兩一徐樹屏庇

護光棍徐長民將徐長民仇家生員黃中堅聲言必受其害嚇詐黃中堅金四千兩田抵六百兩又將黃中堅交與光棍徐長民被毆折指一徐樹聲徐樹本等將伊銀米自六月放出于十月交收起息銀每兩五六錢米每石五六斗重利剋剝貧民不能償還卽差家人打罵貧民難受致將妻子典賣畏其勢力不敢告理一徐乾學徐元文將伊子姪田地均填入別人名下每年拖欠錢糧不管官員議處以勢欺壓終不完納所有崑山縣知縣總爲錢糧革職降級不得陞任者多一徐乾學于本年三月內回籍卽于

東華金 卷十五  
四月內欲沽名譽囑託蘇州府貢監胡三錫周鄰詩等具呈巡撫洪之傑違例建造生祠于虎邱山上一徐樹本徐樹聲徐樹屏徐樹敏家人徐孔昭高彬甫吳漢周曹尔玉蘇雲生金正昌等往來蘇城輪番更替馬弔演劇無虛晷夜勒索崑山知縣船夫承攬大小衙門事件蘇州府城東有毛上列西城黃聖微閭門外有顧思誠處處差遣打聽有業之人捏告信息蘇州民人皆稱爲拉絳擺渡船怨恨切齒無可奈何總之徐元文等至富至貴尙不知足以皇上之仁恩邀爲己力招搖權勢恐嚇通省官民顛倒是

非得受銀錢又縱放如虎如狼子姪家人出入大小衙門擾害地方又復唆使爭訟重利累民收惡徒爲羽翼世世相扶以圖富貴而地方之大臣如巡撫洪之傑又趨炎附勢爲獻媚應付有司皆畏無不逢迎官旣逢迎而累及小民矣若臣畏懼伊等親友門生之衆于其犯法害民至奸至暴不行題叅有負

聖主養育重恩難免大罪矣疏入得

旨所叅各款從寬免其審明徐元文著休致回籍 六月  
尙書阿喇尼紀爾他布等報我師與厄魯特戰于烏爾會

河失利。七月噶爾丹深入烏朱穆秦地命裕親王全福為撫遠大將軍皇子允禔副之出古北口恭親王常寧為安北大將軍簡親王雅布信郡王鄂禮副之出喜峯口內大臣舅舅佟國綱佟國維大臣索額圖明珠阿密達都統蘇帑喇克遜彰春阿席坦諾邁護軍統領苗齊納揚岱前鋒統領班達爾沙邁圖俱叅贊軍務尋停止恭親王兵命康親王傑書等率軍往會裕親王軍駐歸化成。

上巡兵至博洛河屯回鑾。八月索額圖疏言濟隆胡土克圖使人拉木拉木巴噶爾丹使人尊多伊格蘇爾至營請以土謝圖汗澤卜尊丹巴昇之視來人形狀甚覺倉皇有窺探大軍意厄魯特現至烏闌滾倚險結營祭旂誦經距我軍僅四十里。裕親王等疏報聞厄魯特屯于烏闌布通。八月初一日列兵徐進自未時交戰至掌燈時大敗之斬殺甚多以昏夜地險收兵徐退。上大喜焚香謝天。裕親王疏報擊敗噶爾丹次日即前進剿殺餘寇見噶爾丹據險堅拒遣伊拉古克三土克圖來復請以土謝圖汗澤卜尊丹巴昇之初四日濟隆率弟子七十餘人來臣思噶爾丹于戰之次日屢遣人來必多窘迫臣等即欲

東華金 卷十五  
進剿則厄魯特據險堅拒俟其往來講解以待盛京烏喇  
科爾沁諸軍至齊夾擊 尋大臣議大將軍王等既大敗  
厄魯特乃不卽行勦滅明知濟隆行說以誤我軍而故聽  
之豈不坐失事機 旨命作速進勦且切責之 命都統  
希福馳赴裕親王軍前叅贊軍務

諭大學士等允禔聽信小人讒閒之言與裕親王不協妄  
生事端私行陳奏必致僨事著撤回京 先是裕親王等  
疏言噶爾丹迫于追襲自什拉木穆楞河載木橫渡大積  
山連夜遁走于剛阿腦爾臣等欲追而馬力不能前進又

恐噶爾丹去遠因與濟隆胡土克圖約使噶爾丹近我而  
止以禮定好遣人偕往諭之至是又言噶爾丹使人持書  
至告曰噶爾丹博碩克圖跪于威靈佛前誓曰若違此書  
惟佛鑒之其書云今倘蒙

皇上惠好自此不敢犯喀爾喀臣等許其歸好 尋王大  
臣等議噶爾丹乃極狡詐之人屢遣人以立誓爲詞今又  
劫掠克西克騰之三佐領矣但王等親在軍中事皆目擊  
應准所奏命噶爾丹堅誓而釋之王等仍駐彼探噶爾丹  
遠去實音令蘇爾達軍照常防守從之 裕親王等言我

使伊拉古克三賚噶爾丹奏章還其詞曰伏蒙監照下情  
普使安全正在歡忭謹上書為永遠不絕之信誓又使人  
云噶爾丹頂佛像設誓曰

皇上卽佛天乞宥我罪凡有諭旨謹遵行今往界土駐劄  
候旨尋又據濟隆持噶爾丹誓書來且述噶爾丹之言我  
蒙王及皇子大臣見怜我正懼忭云尋議噶爾丹不敢抗  
拒天威設誓請罪請准所誓令出邊候旨另行請旨撤兵  
許之以勅諭噶爾丹以噶爾丹雖降人殊狡猾乃派大兵  
備之 江寧巡撫洪之傑以吳江縣虧空漕項事涉前任

郭琇應赴質牒山東巡撫佛倫佛倫因劾琇休致違例逗  
留希圖復用請革職逮治又劾琇伯父郭爾印係明季御  
史黃宗昌家僕琇父郭景昌原名爾標曾入賊黨伏法琇  
私改父名濫請

封典應予追奪部議應如佛倫所請並革琇頂帶逮赴江  
寧勘治于是琇坐侵收運船飯米二千三百餘石事發彌  
補罪部議充軍得 旨寬免 九月免直隸順天保定河  
間真定順德廣平大名所屬並宣府被災等處二十八年  
未征地丁錢糧及二十九年上半年應征錢糧 兵部請

弛養馬之禁聽從民便從之 十月 諭曰凡擬撰文章  
係翰林官職掌理當加意詳慎克肖其人何可意爲輕重  
今覽場瑄所撰內大臣都統公舅舅佟國綱祭文引用王  
彥章事蹟極其悖謬朕見所撰祭文每於旂下官員多隱  
藏不美之言於漢人則多鋪張粉飾是何意見並傳張英  
及撰文者以從前姚文然魏象樞葉方藹祭文與此祭文  
較看尋准部議編修楊瑄草職發奉天入旂當差張英草  
去禮部尙書仍管翰林院詹事府事噶爾丹遁出汛界具  
疏謝罪撤回裕親王兵及防守遵化州綠旂兵十一月達

賴喇嘛率西海諸台吉及噶爾丹具疏請上尊號不允  
信郡王鄂扎<sup>禮</sup>泰奏裕親王等既經戰勝不乘機勦滅反行  
文禁止蘇爾達等進兵致窮寇逃遁

上從寬罰俸有差 湖廣總督丁思孔以偏沅巡撫于養  
志在任守制題請御史陸隴其疏言天下當承平之時湖  
南非用兵之地無借于養志在任守制若因督臣之題請  
而留將來督撫丁憂皆將援此爲例其不奪情者鮮矣名  
教自此而弛綱常自此而壞關係世道人心非淺也  
上覽疏卽以順天府尹王樑代于養志爲偏沅巡撫

東華錄卷之十五終

東華錄卷之十五終

東華錄卷之十五終

東華錄卷之十五終

